



# বাংলাদেশ কৃষি ব্যাংক

প্রধান কার্যালয়

৮৩-৮৫ মতিঝিল বা/এ, ঢাকা-১০০০।

শাখা নিয়ন্ত্রণ ও ব্যবসা উন্নয়ন বিভাগ

ফোন : ০২২২৩৩৫৪০২৫; ই-মেইলঃ dgmbcbd@krishibank.org.bd

গণভোট ২০২৬  
সংসদ নির্বাচন  
দেনের চারি  
আপনার হাতে

পরিকল্পনা ও পরিচালন মহাবিভাগ (শানিব্যাউবি) পরিপত্র নং-১১/২০২৬

তারিখঃ ২৯-০১-২০২৬

বিষয়ঃ “কৃষি ব্যাংক সুদমুক্ত স্থায়ী আমানত হিসাব” প্রবর্তন প্রসঙ্গে।

ধর্মপ্রাণ মানুষের দেশ বাংলাদেশ। অগণিত ধর্মপ্রাণ নাগরিক আছেন যারা কষ্টার্জিত অর্থ ভবিষ্যতের নিশ্চয়তা সৃষ্টির প্রয়োজনে সঞ্চয় আকারে জমা রাখতে আগ্রহী হলেও ব্যাংক প্রদত্ত নির্দিষ্ট হারে সুদ নিতে আগ্রহী নন। এসকল আমানতকারীদের নিকট হতে সুদমুক্ত আমানত সংগ্রহের সম্ভাবনা রয়েছে। এহেন ধর্মপ্রাণ গ্রাহকদের চাহিদা বিবেচনা করে এবং সুদবিহীন/ স্বল্প সুদবাহী ব্যাংকের আমানত স্থিতির লক্ষ্যমাত্রা অর্জন ও আমানত ভিত্তি আরও সুদৃঢ়করণের প্রয়োজনীয়তা থেকে “কৃষি ব্যাংক সুদমুক্ত স্থায়ী আমানত হিসাব” নামে একটি নতুন প্রোডাক্ট চালু করার প্রস্তাব ১৫-১০-২০২৫ তারিখে অনুষ্ঠিত পরিচালনা পর্যদের ৮৮৭তম সভায় উপস্থাপন করা হলে পর্যদ কর্তৃক নিম্নোক্ত শর্তে সদয় অনুমোদন প্রদান করা হয়।

০২। “কৃষি ব্যাংক সুদমুক্ত স্থায়ী আমানত হিসাব” নিম্নোক্ত রূপরেখায় পরিচালিত হবে :

২.১। হিসাবের নাম : “কৃষি ব্যাংক সুদমুক্ত স্থায়ী আমানত হিসাব”।

২.২। সুদের হার : সুদ বিহীন।

২.৩। এককালীন আমানত জমার পরিমাণ ও হিসাবের মেয়াদকাল :

এককালীন সর্বনিম্ন ২৫,০০০/- টাকা হতে তদূর্ধ্ব (যে কোনো) পরিমাণ টাকা।

এককালীন জমার পরিমাণ	সুদের হার	মেয়াদকাল	মন্তব্য
সর্বনিম্ন ২৫,০০০/- টাকা হতে তদূর্ধ্ব (যে কোনো) পরিমাণ টাকা	০%	১ মাস	এ হিসাব হতে ডিসেম্বর হিসাব সমাপনীতে সরকার কর্তৃক আরোপিত আবগারী শুল্ক কর্তন করা হলেও তা সংশ্লিষ্ট হিসাবে পরবর্তী ০২ কর্মদিবসের মধ্যে শাখা কর্তৃক স্বয়ংক্রিয়ভাবে পুনঃভরণ করা হবে। এ হিসাব সুদমুক্ত বিধায় উৎসে কর কর্তন করা হবে না।
		৩ মাস	
		৬ মাস	
		১ বছর	
		২ বছর	
		৩ বছর	

২.৪। উদ্দেশ্যঃ দেশের ধর্মপ্রাণ জনগোষ্ঠীকে সঞ্চয়ে উৎসাহিত করার মাধ্যমে ভবিষ্যত আর্থিক নিশ্চয়তা ও কল্যাণ সাধনের মাধ্যমে ব্যাংকের আমানত বৃদ্ধি।

২.৫। হিসাব খোলার পদ্ধতি ও পরিচালন সংক্রান্ত নিয়মাবলী :

২.৫.১। ১৮(আঠারো) বছর ও তদূর্ধ্ব সুস্থ মস্তিষ্ক সম্পন্ন যে কোনো বাংলাদেশী নাগরিক মাসের যে কোনো কর্মদিবসে নিজ নামে বা যৌথ নামে এক বা একাধিক হিসাব খুলতে পারবে।

২.৫.২। যে কোনো ধর্মীয় উপাসনালয় (মসজিদ, মন্দির, চার্চ, প্যাগোডা), কবরস্থান, মাদ্রাসা, ধর্মীয় প্রতিষ্ঠান, ক্লাব, সমিতি এবং অনুরূপ যে কোনো সংগঠন বা প্রতিষ্ঠানের নামে এ হিসাব খোলা যাবে।

২.৫.৩। ব্যক্তির নামে হিসাব খোলার সময় আমানতকারীর পূর্ণাঙ্গ পরিচিতি (KYC), পাসপোর্ট সাইজের সত্যায়িত ০২(দুই) কপি ছবি, জাতীয় পরিচয়পত্র/স্মার্ট কার্ড/জন্মানিবন্ধন সনদ/পাসপোর্ট এর সত্যায়িত ফটোকপি ইত্যাদি প্রদান করতে হবে। উল্লেখ্য, পাসপোর্ট দিয়ে হিসাব খোলার সময় মূল কপি প্রদর্শন করতে হবে।

২.৫.৪। প্রতিষ্ঠানের নামে হিসাব খোলার ক্ষেত্রে সংশ্লিষ্ট প্রতিষ্ঠানের বৈধ কমিটির রেজুলেশন, হিসাব পরিচালনাকারী/পরিচালনাকারীগণের বৃত্তান্তসহ প্রয়োজনীয় দলিলপত্রাদি জমা দিতে হবে।

২.৫.৫। গ্রাহকের যদি টিআইএন (TIN) সার্টিফিকেট থাকে তবে হিসাব খোলার সময় আয়কর রিটার্ন প্রত্যয়ন/প্রমাণকসহ টিআইএন (TIN) সার্টিফিকেট জমা নেওয়া এবং যথাযথভাবে হিসাব খোলার ফর্মে লিপিবদ্ধ ও সংরক্ষণ করা যেতে পারে (আবশ্যিক নয়)।

২.৫.৬। হিসাব খোলার ফরমে প্রাথমিক জমার পরিমাণ (অংকে ও কথায়) স্পষ্টভাবে উল্লেখ থাকতে হবে। হিসাব খোলার ফরমে কোনরূপ কাটাকাটি, ঘষামাজা, উপরিলিখন ও পরিমার্জন কোন অবস্থায় গ্রহণযোগ্য হবে না।

২.৫.৭। এ হিসাবের বিপরীতে কোন চেক প্রদান করা যাবে না। অর্থাৎ হিসাবটি চেকবিহীন হবে।

২.৫.৮। এ হিসাব খোলার সময় গ্রাহকের নামে মেয়াদী আমানত রশিদ ইস্যু করতে হবে এবং রশিদের উপর “কৃষি ব্যাংক সুদমুক্ত স্থায়ী আমানত হিসাব” সীল অবশ্যই ব্যবহার করতে হবে।

২.৫.৯। এক শাখা হতে অন্য শাখায় হিসাব স্থানান্তর করা যাবে না।

চলমান পাতা-০২

*Handwritten signature*

২.৫.১০। আমানতকারী যে কোনো সময় (মেয়াদপূর্তিতে/মেয়াদপূর্তির পূর্বে) সংশ্লিষ্ট শাখা ব্যবস্থাপক বরাবর লিখিত আবেদন করে স্বীয় হিসাব বন্ধ করতে পারবেন। এ হিসাবে স্থিত টাকা গ্রাহকের চলতি/সঞ্চয়ী হিসাবে স্থানান্তর অথবা নগদ প্রদান ভাউচারের মাধ্যমে প্রদেয় হবে।

২.৬। নমিনী মনোনয়ন সংক্রান্ত নিয়মাবলী :

- ২.৬.১। আমানতকারীকে ব্যাংকের প্রচলিত হিসাবের নিয়মে অবশ্যই নমিনী নিযুক্ত করতে হবে। নমিনীর সংখ্যা একাধিক হলে আমানতকারীকে প্রত্যেক নমিনীর অংশ নির্ধারণ করে দিতে হবে। আমানতকারী কর্তৃক নমিনীর জাতীয় পরিচয়পত্র/জন্মসনদের কপি এবং পাসপোর্ট সাইজের ০১(এক) কপি ছবি সত্যায়িত করে হিসাব খোলার ফর্মের সাথে সংযুক্ত করতে হবে।
- ২.৬.২। নাবালক/নাবালিকাকেও নমিনী মনোনয়ন দেওয়া যাবে। এক্ষেত্রে নাবালক/নাবালিকার জন্মনিবন্ধন এর কপি ও পাসপোর্ট সাইজের সত্যায়িত ছবি দিতে হবে। নমিনী নাবালক থাকা অবস্থায় আমানতকারীর মৃত্যু হলে আমানতের অর্থ কে গ্রহণ করবে সে সম্পর্কে আমানতকারী লিখিত নির্দেশ প্রদান করতে পারবেন। অন্যথায় প্রচলিত আইন দ্বারা নির্ধারিত অভিভাবককে আমানতের অর্থ প্রদেয় হবে।
- ২.৬.৩। আমানতকারীর জীবদ্দশায় নমিনীর মৃত্যু হলে ঐ মনোনয়ন বাতিল বলে গণ্য হবে। এক্ষেত্রে হিসাবধারী নতুন নমিনী মনোনয়ন করবেন। এছাড়া, আমানতকারী যে কোনো সময় লিখিতভাবে তার বিদ্যমান নমিনী মনোনয়ন বাতিল করে নতুন করে নমিনী মনোনয়ন করতে পারবেন।
- ২.৬.৪। কেবলমাত্র আমানতকারীর মৃত্যুর পর নমিনী হিসাবের অর্থ প্রাপ্য হবেন। এক্ষেত্রে সাকসেশন সার্টিফিকেট গ্রহণের প্রয়োজন হবে না এবং বিষয়টি শাখা পর্যায়েই নিষ্পত্তিযোগ্য হবে। এবিষয়ে, ব্যাংক-কোম্পানী আইন, ১৯৯১ (সংশোধন আগস্ট ২০১১) এর ১০৩ ধারা মোতাবেক এবং বাংলাদেশ ব্যাংক, ব্যাংকিং প্রবিধি ও নীতি বিভাগ, প্রধান কার্যালয়, ঢাকা কর্তৃক জারিকৃত বিআরপিডি সার্কুলার নং-০৬ তারিখ ১৯ এপ্রিল, ২০১৭ মোতাবেক নমিনী/নমিনীগণকে আমানতের টাকা প্রদানের ব্যবস্থা গ্রহণ করতে হবে। নমিনীকে হিসাবের অর্থ পরিশোধের সময় নিম্নোক্ত কাগজপত্রাদি গ্রহণ করতে হবে।
- নমিনী/নমিনীদের/মনোনীত অভিভাবকের (নমিনী নাবালক-নাবালিকা হলে তাদের পক্ষে) আবেদনপত্র।
  - আমানতকারীর মৃত্যু সংক্রান্ত সনদপত্র (ডাক্তারী সনদ ও মৃত্যু নিবন্ধন সনদ)।
  - নমিনীর পরিচয়পত্র যাচাইয়ের জন্য জাতীয় পরিচয়পত্র/স্থানীয় চেয়ারম্যান/ওয়ার্ড কমিশনার/একজন গেজেটেড অফিসার বা ব্যাংকের ৯ম বা তদূর্ধ্ব গ্রেডের একজন কর্মকর্তার প্রত্যয়নপত্র।
  - নমিনীর আইনানুগ অভিভাবকের আবেদনপত্র ও পাসপোর্ট সাইজের সত্যায়িত ছবি (নাবালক/নাবালিকার ক্ষেত্রে)।
  - নাবালক/নাবালিকার ক্ষেত্রে নমিনীর আইনানুগ অভিভাবক কর্তৃক শাখার একজন আমানত হিসাবধারীর সাথে যৌথভাবে সম্পাদিত ইনডেমনিটি বন্ড (ক্ষতিপূরণ মুচলেকা)।
- ২.৬.৫। হিসাবধারীর মৃত্যুর পর/অবর্তমানে নমিনী না থাকলে/মারা গেলে হিসাবধারীর উত্তরাধিকারীগণ আদালত প্রদত্ত উত্তরাধিকার সনদ (Succession Certificate) উপস্থাপন সাপেক্ষে হিসাবের অর্থ প্রাপ্য হবে।

২.৭। মেয়াদপূর্তির পূর্বে হিসাব বন্ধ করা ও টাকা উত্তোলন পদ্ধতি :

আমানতকারী লিখিত আবেদনের মাধ্যমে মেয়াদপূর্তির পূর্বে আমানত হিসাবটি বন্ধ করতে পারবেন। মেয়াদপূর্তির পূর্বে আমানত হিসাবটি বন্ধ করা হলে নিম্নোক্ত নিয়ম অনুসরণ করে প্রাপ্য টাকা আমানতকারীকে তার চলতি/সঞ্চয়ী হিসাবে স্থানান্তর অথবা নগদ প্রদান ভাউচারের মাধ্যমে প্রদেয় হবে।

২.৭.১। অনুচ্ছেদ ২.৩ মোতাবেক যে কোনো মেয়াদে হিসাব খোলা হোক, হিসাবের মেয়াদ ১ মাস পূর্ণ হওয়ার পূর্বে হিসাব বন্ধ করা হলে সরকার নির্ধারিত আবগারী শুল্ক আমানতকারীকে বহন করতে হবে। হিসাবের মেয়াদ ১ মাস ও তদূর্ধ্ব হলে আবগারী শুল্ক ব্যাংক বহন করবে। এক্ষেত্রে শাখাসমূহকে আবগারী শুল্ক ব্যয় উপখাত ১৩৩/৩৬F ডেবিট করে গ্রাহকের হিসাব পুনঃভরণ করতে হবে। এ হিসাব সুদযুক্ত বিধায় উৎসে কর কর্তন প্রযোজ্য নয়।


২.৮। বিশেষ নির্দেশাবলী :

২.৮.১। হিসাবধারীর মৃত্যুতে হিসাবের নমিনী অথবা নমিনীর অবর্তমানে উত্তরাধিকারী চাইলে হিসাবটি বন্ধ বা মেয়াদপূর্তি পর্যন্ত পরিচালনা করতে পারবেন। নগদায়নের প্রাক্কালে হিসাবের অর্থ যথাযথ নিয়মে নমিনী/উত্তরাধিকারী-কে বা গণকে পরিশোধ করতে হবে।

২.৮.২। এ হিসাব হতে ডিসেম্বর হিসাব সমাপনীতে সরকার কর্তৃক আরোপিত আবগারী শুল্ক কর্তন করা হলেও তা সংশ্লিষ্ট হিসাবে পরবর্তী ০২ কর্মদিবসের মধ্যে শাখা কর্তৃক ১৩৩/৩৬F আবগারী শুল্ক ব্যয় উপখাত ডেবিট করে পুনঃভরণ করতে হবে। এ হিসাব সুদযুক্ত বিধায় উৎসে কর কর্তন করা হবে না।

- ২.৮.৩। এ হিসাব হতে হিসাব বন্ধের চার্জ, হিসাব বিবরণী, হিসাব রক্ষণাবেক্ষণ ফি (Maintenance Charge) ও SMS Charge কর্তন হবে না।
- ২.৮.৪। এ হিসাবের বিপরীতে ঋণ সুবিধা প্রযোজ্য হবে না।
- ২.৮.৫। মেয়াদী আমানতের জন্য ব্যবহৃত ফরম, লেজার এবং স্বাক্ষর কার্ড এ প্রোডাক্ট পরিচালনার ক্ষেত্রে ব্যবহৃত হবে। তবে সংশ্লিষ্ট ফরম, বুকস্ ও রেজিস্টারে “কৃষি ব্যাংক সুদমুক্ত স্থায়ী আমানত হিসাব” সীল ব্যবহার করতে হবে।
- ২.৮.৬। প্রোডাক্টটি ব্যাংকের নিজস্ব উদ্যোগে প্রণীত বিধায় যে কোনো সময় ব্যাংক ব্যবস্থাপনা কর্তৃপক্ষ এ হিসাব সংক্রান্ত নিয়মাবলীর যে কোনো পরিবর্তন, পরিবর্ধন, সংশোধন বা বাতিল করার অধিকার সংরক্ষণ করে এবং এক্ষেত্রে আমানতকারী সকল নিয়মাবলী মেনে চলতে বাধ্য থাকবেন।
- ২.৮.৭। এ আমানত হিসাব নবায়নযোগ্য।
- ৩.০। হিসাব খাতঃ “কৃষি ব্যাংক সুদমুক্ত স্থায়ী আমানত হিসাব” এর জন্য জেনারেল লেজারে ২৩/১৫ মূলখাত, ১৩৩/৩৭BX “কৃষি ব্যাংক সুদমুক্ত স্থায়ী আমানত হিসাব” উপর প্রদত্ত সুদ উপখাত (ব্যয় খাত) এবং ৪১/২৫১ “কৃষি ব্যাংক সুদমুক্ত স্থায়ী আমানত হিসাব” এর উপর সুদ প্রভিশন উপখাত এবং “কৃষি ব্যাংক সুদমুক্ত স্থায়ী আমানত হিসাব” এর জন্য ১৩৩/৩৬F আবগারী গুচ্ছ ব্যয় উপখাতসহ ০৪টি খাত নির্ধারণ করা হয়েছে।
- ৪.০। এ প্রোডাক্টটি প্রবর্তনের ফলে শাখাসমূহের সুদমুক্ত আমানত বৃদ্ধি পাবে। প্রোডাক্টটি জনপ্রিয় ও আমানতকারীগণের নিকট আকৃষ্ট করার উদ্দেশ্যে ব্যাপক প্রচারণা চালাতে হবে। এ উদ্দেশ্যে শাখাসমূহ কর্তৃক দর্শনীয় স্থানে ব্যানার, পোস্টার ও লিফ্লেটের মাধ্যমে জনসাধারণকে অবহিত ও উদ্বুদ্ধকরণের জন্য শাখা ও অন্যান্য কার্যালয়সমূহে কর্মরত কর্মকর্তা/কর্মচারীদেরকে ব্যক্তিগত উদ্যোগ ও ব্যাপক প্রচার কার্যক্রমের সাথে সম্পৃক্ত থাকার পরামর্শ প্রদান করা হলো।
- ৫.০। এমতাবস্থায়, উপরোক্ত শর্ত মোতাবেক “কৃষি ব্যাংক সুদমুক্ত স্থায়ী আমানত হিসাব” হিসাব খোলার নির্দেশনা জারি করা হলো। নির্দেশনাটি ০১-০২-২০২৬ খ্রিঃ হতে কার্যকর হবে।
- ৬.০। উল্লেখ্য যে, এ বিষয়ে কোনো ধরনের অস্পষ্টতা পরিলক্ষিত হলে বা স্পষ্টিকরণের প্রয়োজন হলে বিকেবি, শাখা নিয়ন্ত্রণ ও ব্যবসা উন্নয়ন বিভাগ, প্রধান কার্যালয়, ঢাকা-তে যোগাযোগ করতে হবে।

অনুমোদনক্রমে-

আপনার বিশ্বস্ত  
  
(আশরাফুজ্জামান খান)


মহাব্যবস্থাপক  
পরিকল্পনা ও পরিচালন মহাবিভাগ

নং-প্রকা/শানিব্যউবি-১(৫৯)অংশ-৩/২০২৫-২০২৬/৮৮২

তারিখঃ ২৯-০১-২০২৬

সদয় অবগতি ও প্রয়োজনীয় ব্যবস্থা গ্রহণের জন্য অনুলিপি প্রেরণ করা হলোঃ-

- ০১। স্টাফ অফিসার, চেয়ারম্যান মহোদয়ের দপ্তর, বাংলাদেশ কৃষি ব্যাংক, প্রধান কার্যালয়, ঢাকা।
- ০২। চিফ স্টাফ অফিসার, ব্যবস্থাপনা পরিচালক মহোদয়ের সচিবালয়, বাংলাদেশ কৃষি ব্যাংক, প্রধান কার্যালয়, ঢাকা।
- ০৩। স্টাফ অফিসার, সকল উপব্যবস্থাপনা পরিচালক মহোদয়গণের সচিবালয়, বাংলাদেশ কৃষি ব্যাংক, প্রকা, ঢাকা।
- ০৪। স্টাফ অফিসার, সকল মহাব্যবস্থাপক মহোদয়ের দপ্তর, বাংলাদেশ কৃষি ব্যাংক।
- ০৫। সকল উপমহাব্যবস্থাপক, বাংলাদেশ কৃষি ব্যাংক, প্রধান কার্যালয়, ঢাকা। উপরোক্ত পত্রটি ব্যাংকের ওয়েব-সাইটে আপলোড করার জন্য আইসিটি সিস্টেমস বিভাগকে অনুরোধ করা হলো।
- ০৬। বিভাগীয় নিরীক্ষা কর্মকর্তা, সকল বিভাগীয় নিরীক্ষা কার্যালয়, বাংলাদেশ কৃষি ব্যাংক।
- ০৭। উপমহাব্যবস্থাপক, সকল কর্পোরেট শাখা, বাংলাদেশ কৃষি ব্যাংক।
- ০৮। মুখ্য আঞ্চলিক ও আঞ্চলিক ব্যবস্থাপক, সকল মুখ্য আঞ্চলিক ও আঞ্চলিক কার্যালয়, বাংলাদেশ কৃষি ব্যাংক।
- ০৯। আঞ্চলিক নিরীক্ষা কর্মকর্তা, সকল আঞ্চলিক নিরীক্ষা কার্যালয়, বাংলাদেশ কৃষি ব্যাংক।
- ১০। সকল শাখা ব্যবস্থাপক, বাংলাদেশ কৃষি ব্যাংক।
- ১১। নথি/মহানথি।

  
(মোঃ আব্দুস সামাদ)  
উপমহাব্যবস্থাপক